

Na osnovu člana 23. i 55. Statuta općine Ilijaš – prečišćeni tekst ("Službene novine Kantona Sarajevo", broj: 20/09), člana 1. i 2. Odluke o stipendiranju i nagrađivanju izuzetno nadarenih učenika i studenata ("Službene novine Kantona Sarajevo", broj: 13/10) i člana 3. Pravilnika o stipendiranju i nagrađivanju izuzetno nadarenih učenika i studenata ("Službene novine Kantona Sarajevo", broj: 18/10, 10/13, 40/15 i 44/15), na prijedlog Općinskog načelnika, Općinsko vijeće Ilijaš, na svojoj 36. sjednici, održanoj 30.12.2015.godine, donijelo je:

**PLAN**

***stipendiranja izuzetno nadarenih učenika u srednjem i studenata u visokoškolskom obrazovanju u školskoj 2015/2016.godini***

**I**

Planom stipendiranja izuzetno nadarenih učenika u srednjem i studenata u visokoškolskom obrazovanju za školsku 2015/2016.godinu stipendirat će se:

a).

- 31 učenik I razreda,
- 11 učenika II razreda,
- 8 učenika III razreda,
- 14 učenika IV razreda.

b).

- 19 studenata I godine,
- 16 studenata II godine,
- 11 studenata III godine,
- 19 studenata IV godine,
- 20 studenata V godine,
- 1 student VI godine.

**II**

Gramatička terminologija korištenja muškog roda u ovom Planu podrazumijeva uključivanje oba roda.

**III**

Ovaj Plan stupa na snagu danom objavljivanja u "Službenim novinama Kantona Sarajevo".

**IV**

Stupanjem na snagu ovog Plana prestaje da važi plan stipendiranja izuzetno nadarenih učenika u srednjem i studenata u visokoškolskom obrazovanju u školskoj 2015/2016.godini broj: 01/1-02-2452-7/15 od 29.09.2015.godine ("Službene novine Kantona Sarajevo" br.40/15).

Broj: \_\_\_\_\_  
Ilijaš, 30.12.2015.godine

PREDSJEDAVAJUĆI  
OPĆINSKOG VIJEĆA

\_\_\_\_\_  
Damir Filipović, s.r.

## **Obrazloženje:**

Shodno članu 1., 2. i 6. Pravilnika o stipendiranju i nagrađivanju izuzetno nadarenih učenika i studenata (Službene novine Kantona Sarajevo», broj: 18/10, 10/13, 40/15 i 44/15), Općinsko vijeće Ilijaš, na prijedlog Općinskog načelnika, donosi Plan stipendiranja izuzetno nadarenih učenika u srednjem i studenata u visokoškolskom obrazovanju za jednu školsku godinu.

Obzirom da su sva bitna pitanja regulisana Pravilnikom o stipendiranju učenika i studenata, izuzev broja učenika i studenata koji se stipendiraju, ovim Planom se daje prijedlog Općinskom vijeću da usvoji taj broj. Općinsko vijeće Ilijaš je na svojoj 33. sjednici održanoj 29.09.2015.godine donijelo Plan stipendiranja izuzetno nadarenih učenika u srednjem i studenata u visokoškolskom obrazovanju, za školsku 2015/2016.godinu, u kojem se predviđa stipendiranje 46 učenika ( 16 učenika I razreda, 10 učenika II razreda, 10 učenika III razreda i 10 učenika IV razreda) i 64 studenta (21 student I godine, 16 studenata II godine, 11 studenata III godine, 10 studenata IV godine i 5 studenata V godine i 1 student VI godine). Donošenje Plana je preduslov za raspisivanje Konkursa za stipendiranje učenika i studenata, nakon čega Općinski načelnik vrši izbor kandidata, na osnovu kriterija utvrđenih Pravilnikom o stipendiranju učenika i studenata.

Načelnik općine Ilijaš je na osnovu donešenog Plana, od strane Općinskog vijeća Ilijaš, raspisao Konkurs za stipendiranje izuzetno nadarenih učenika u srednjem i studenata u visokoškolskom obrazovanju u školskoj 2015/2016.godini koji je objavljen u dnevnim novinama "Oslobođenje" 16.11.2015.godine.

Načelnik općine Ilijaš je svojim rješenjem broj: 07-38-2352.1/15 od 27.11.2015.godine, formirao Komisiju za izbor izuzetno nadarenih učenika i studenata, korisnika općinske stipendije u školskoj 2015/2016.godini. Nakon zatvaranja Konkursa 01.12.2015.godine Komisija je izvršila razmatranje pristiglih zahtjeva po Javnom konkursu i ustanovila sljedeće:

Na Konkurs se prijavilo 178 kandidata od toga 77 učenika i 101 student.

Osnovni uslov, koji se odnosi na prosjek ocjena, a to je da učenici imaju prosjek ocjena 4,80, a studenti 8,0 odnosno 7,50 iz predhodne školske godine, blagovremenosti i potpunosti prijava, ispunjavalo je 64 učenika i 86 studenta. Upoređujući sa donesenim Planom kojim se predviđa stipendiranje 46 učenika i 64 studenta ispostavilo se da stipendijama za školsku 2015/2016.godinu nije obuhvaćeno 18 učenika i 22 studenta.

Kako bi smo stipendiranjem obuhvatili što veći broj izuzetno nadarenih učenika i studenata i kako bi smo iste stimulisali da postignu još bolje rezultate u učenju, u srednjem i visokoškolskom obrazovanju, predlažemo Općinskom vijeću Ilijaš da usvoji novi Plan stipendiranja izuzetno nadarenih učenika u srednjem i studenata u visokoškolskom obrazovanju u školskoj 2015/2016.godini, koji predviđa povećanje broja korisnika općinske stipendije za 18 učenika i 22 studenta.

Novim Planom predviđa se stipendiranje ukupno 64 učenika i 86 studenata, čime bi smo obuhvatili sve učenike i studente, koji ispunjavaju uslove iz Pravilnika o stipendiranju i nagrađivanju izuzetno nadarenih učenika i studenata i koji su blagovremeno predali svoje prijave.

**Nosilac stručne obrade:** Služba za društvene djelatnosti

**Predlagač:** Općinski Načelnik